





ARREST DIFFINITIF,
PAR LEQUEL EST FAICT
defentes aux Damoiselles Renee du Bellay
& Anne Aſſe, les Religieux, Abbé & con-
uent de noſtre Dame du Lauroux, les
Prieurs de Saint Aulbin d'Angers, & de
Saint Macé, à leurs Officiers, commis,
fermiers, ſeruiteurs, ou autres, de leuer ne
exiger aucun peage & ſalage, ſur les bare-
aux & chalans chargez de marchandises
en la riuere de Loire, a l'endroit de la
Seigneurie & Baronnie du lieu de Treues.



A ORLEANS,
Par Fabian Hotot, Imprimeur ordinaire du
Roy, & Libraire juré de l'Vniuersité,
à Limprimerie.

M D C. XXVI.

Cest


F

39

326


1626

400



EXTRAICT DES REGISTES

de Parlement.



NTRE les Marchans frequentans la riuere de Loire, & autres fleues descendans en icelle, le Procureur general du Roy ioinct avec eux, demandeurs en execution d'Arrest du deux yesme iour d'Aoust, mil cinq cens soixante quatre, & à l'enterinement d'une Requête du premier iour de Feburier ensuyuant, appellans de l'execution de certaines lettres Royaux, en forme d'examen a futur, dactees des quinze-yesme iour de Feburier, mil cinq cens soixante quatre, & vingt-yesme Iuing, mil cinq cens soixante cinq, & de tout ce qui s'en est ensuiuy : & aussi demandeurs en inhibitions & defences selon le contenu d'vnes lettres Royaux de relief dappel, du dix sept yesme iour dudit Iuin, mil cinq cens soixante cinq, d'une part : & Damoiselle Renee du Bellay, vesue de feu Loys du Pleffis, Dame en partie de la Barõnie & Seigneurie de Treues, Damoiselle Anne Assé, vesue de feu René de Thory, en son viuant Escuyer, preten-

duë Dame vſufroiſſiere de ladite Baronnie
 de Treues: les Religieux, Abbé & couuent
 de noſtre-Dame du Louroux: Maïſtre René
 Creſpin, Conſeiller du Roy en la Cour de
 ceans naguere Prieur de ſainct Aulbin d'An-
 gers, & Maïſtre René Thibault, Prieur de
 Sainct Macé, & auſſi defendeurs reſpectiue-
 ment auſdites requeſtes d'inhibitions & de-
 fenſes, d'autre part: Leſquelles qualitez ne
 pourront preiudicier. Rocheffort, pour les
 appellans demandeurs en execution d'Arreſt,
 & en requeſte, à fin d'euoquer l'inſtance de
 prouiſion, & y faiſant droit ſur le champ, en
 debouter les oppoſans, Briſſon pour les inti-
 mées & defenderesſes, Demonthelon pour
 ledict Thibault, Huault pour ledict Creſpin,
 & Durand pour les Religieux & couuent du
 Lauroux, tous intimez & oppoſans ouys, en-
 ſemble Dumefnil pour le Procureur general
 du Roy, qui à dict quant aux appellations, ny
 auoit apparence pour les intimez, ne moins
 es oppoſitions par eux formees, attendu l'Ar-
 reſt de l'an cinq cens ſoixante quatre, par le-
 quel les lettres, tiltres, couſtumes, enqueſtes,
 & productions des parties ont eſté veuës: Et
 quant aux Religieux oppoſans, qu'ilz n'ont
 peu ignorer la faiſie faiſte au commencement

du proces & depuis par lettres patentes données par le feu Roy Henry : sauf à eux à se pourvoir pour les rentes & droicts par eux pretendus sur le droict de trauers appartenât aux proprietes, qui s'entend sur terre, & non pas sur la riuere, en quelque façon que ce soit, ou puisse estre. Et quant à la sommation faicte par Brisson contre ledict Procureur general, qu'il n'est leur garand, & à leu ledict Arrest. LA COUR a mis & met les appellations interiectees, tant de l'exécution des lettres, que de ce qui s'en est esuiuy, & ce dōt à esté appellé, au neant sans amende : Condamné les intimez és despens des causes d'appel. Ordonne nonobstant l'opposition par eux formée à l'exécution de l'Arrest, dont ils sont deboutez, & condamnez és despens de l'instance, que ledict Arrest sera executé definitiuement selon la forme & teneur sans toutefois toucher aux droicts anciens à eux appartenans & qui leur peuuent estre acquis par la coustume ailleurs que sur la riuere de Loire. Faict en Parlement le vnziesme iour de Mars, l'an mil cinq cens soixante sept.

Ainsi signé,

DV TILLET.



